

## Al pedocc.

*Ti 't sè 'l nemis dal cumbatent,  
 Ti 't sè pegg d' una turtura  
 Che murdend rabiusement  
 Ti 't fè gni fin la bartura.*

*Ti vètt dentr' in dla camisa,  
 In dla maia, in di calson,  
 Trovat mai nissun cal disa  
 Che ti gabbiat cumpassion.*

*Ti vètt fin ind la braghèta  
 Senza ved nanch' un buton,  
 Ti vètt dentr' in dla gavèta  
 Che par ti tutt coss è bon.*

*Tacch la pèll o in si barbis  
 Ti 't ravanat in giù e in su  
 E gratand ti 't fèt gni lis  
 Fin la pèll a tacch al . . . cu.*

*Ti 't fè schivi, sètt rabiis,  
 Sett invidi me 'l mal d' occ,  
 O malnat ca ta stè scus  
 O canaia d' un pedocc.*